

## IV. ENTIDADES LOCAIS

### CONCELLO DO PEREIRO DE AGUIAR

*BASES REGULADORAS PARA A CONCESIÓN DE AXUDAS PARA ADQUISICIÓN DE LIBROS DE TEXTO E/OU MATERIAL ESCOLAR DE EDUCACIÓN INFANTIL PARA O CURSO 2025/2026.*

#### **BDNS (Identif.): 845717**

A Xunta de Goberno Local deste Concello aprobou, con data do 1 de xullo de 2025, as bases que se expoñen a continuación para xeral coñecemento:

Bases reguladoras para a concesión de axudas para adquisición de libros de texto e/ou material escolar de Educación Infantil para o curso 2025/2026

#### Artigo 1. Obxecto

É obxecto destas bases a regulación da concesión de axudas destinadas a facilitar a compra de libros e/ou material escolar, destinadas a unidades de convivencia con menor poder adquisitivo do Concello do Pereiro de Aguiar que teñan nenos e nenas ao seu cargo matriculados en 4º, 5º e 6º de Educación Infantil, en centros públicos ou privados en tramos concertados.

#### Artigo 2. Natureza xurídica

Estas axudas fanse ao abeiro da Lei 38/2003, do 17 de novembro, xeral de subvencións, e normativa que a desenvolve, e a Lei 9/2007, de subvencións de Galicia.

#### Artigo 3. Compatibilidade

As axudas serán incompatibles con calquera outra axuda que puidera percibirse coa mesma finalidade doutras institucións públicas ou privadas.

#### Artigo 4- Destinatarios

As familias con menor poder adquisitivo do Concello do Pereiro de Aguiar que cumpran os seguintes requisitos:

- a) Convivir con menores ao seu cargo, escolarizados en centros de ensinanza públicos ou privados en tramos concertados en Educación Infantil.
- b) Estar todos os membros da unidade de convivencia empadroados no Concello do Pereiro de Aguiar como mínimo desde o 1 de xaneiro de 2025.
- c) Non superar os 8.500,00 € de renda per cápita anual (computarase un membro máis no caso de presentar algún deles unha discapacidade igual ou superior ao 33%).

Para os efectos destas bases considérase que forman a unidade de convivencia: os cónxuxes, parellas de feito, os fillos maiores e menores de idade, os ascendentes de cónxuxes e titores legais que conviven no mesmo domicilio, segundo o certificado de convivencia municipal.

Nos casos de separación ou divorcio, considerarase ao pai ou á nai que teña a custodia dos menores por sentenza xudicial. No caso de custodia compartida consideraranse a ambos proxenitores.



A renda da unidade familiar será o resultado de sumar as rendas de cada un dos membros computables da familia que obteñan ingresos de calquera natureza, de conformidade coa normativa reguladora do imposto sobre a renda das persoas físicas.

Cando se presentase declaración do imposto sobre a renda das persoas físicas no exercicio fiscal 2024, sumaranse a base imponible xeral (recadro 435) e a base imponible de aforro (recadro 460); cando non se presentase, sumaranse os ingresos netos obtidos durante o exercicio 2024.

## Artigo 5. Lugar, prazo e forma de presentación das solicitudes

O prazo de presentación finalizará o 30 de setembro de 2025.

As solicitudes deberán presentarse, debidamente cumprimentadas, no Rexistro Xeral do Concello do Pereiro de Aguiar, ou por calquera medio dos establecidos no artigo 16.4 da Lei 39/2015, do 1 de outubro, do Procedemento Administrativo Común das Administracións Públicas.

## Artigo 6. Documentación

A documentación preceptiva é a seguinte:

- a) Anexo I de solicitude.
- b) Anexos II e III, declaración responsable e autorización para o tratamento e o arquivo de datos, respectivamente.
- c) DNI/NIE/PASAPORTE (en vigor) de todos os membros da unidade de convivencia.
- d) Certificado do centro educativo no que estea/n matriculado/a/s os/as neno/as.
- e) Fotocopia da declaración do IRPF do exercicio 2024, de cada un dos membros computables da unidade de convivencia. No caso de non estar obrigado a presentala, deberá achegar certificado negativo de Facenda, certificado de imputacións de renda e xustificantes dos ingresos obtidos no ano 2024 (certificado empresa, certificado do SEPE, xustificante de pensión...).
- f) No caso de separación ou divorcio legal, copia da sentenza e do convenio regulador. En situacións de impago das achegas establecidas, copia da solicitude de execución de sentenza presentada ante o Xulgado ou xustificante de inicio das actuacións.
- g) Documentación acreditativa dos criterios alegados na solicitude referentes ao artigo 4.
- h) Pódese presentar xa neste intre a documentación acreditativa da xustificación da subvención (factura orixinal) co fin de axilizar a tramitación do expediente.
- i) Certificado de conta bancaria.

A convivencia da unidade familiar comprobarase internamente.

## Artigo 7. Criterios e valoración e contía das axudas

As axudas concederanse por rigorosa orde, atendendo á menor renda per cápita, ata esgotar o orzamento asignado. Non se poderá exceder o límite orzamentario.

As unidades de convivencia que, aínda reunindo os requisitos desta convocatoria, non aparezan como beneficiarias quedarán en lista de agarda. Poderán concederse máis axudas, respectando a orde da lista de agarda, no caso de que se produzan baixas.



A contía das axudas será de 90 euros para os cursos de 4º, 5º e 6º de Educación Infantil (3, 4 e 5 anos).

## Artigo 8. Tramitación e resolución das solicitudes

As solicitudes tramitaranse de conformidade coa Lei 9/2007, do 13 de xuño, de Subvencións de Galicia, e a Lei 38/2003, do 17 de novembro, Xeral de Subvencións, de acordo coa súa disposición derradeira.

Correspóndelle a instrución do procedemento á Área de Educación. Realizaranse de oficio cantas actuacións se estimen necesarias para a determinación, coñecemento e comprobación dos datos en virtude dos cales debe formularse a proposta de resolución.

A composición do órgano Colexiado, denominado mesa de avaliación, será:

- Presidente: D. Manuel Doval Soto, concelleiro da Área de Mobilidade, Vivenda e Solo, Educación e Turismo deste concello.

- Secretaria: D<sup>a</sup>. Yajaira Lage Blanco, auxiliar administrativo deste concello.

- Vogais:

\* D<sup>a</sup>. Ana Gómez Vázquez, pedagoga deste concello.

\* D<sup>a</sup>. Ana Isabel Labrador Belmonte, traballadora social deste concello.

Toda publicación, á que fagan referencia estas bases, realizarase mediante publicación na localización web e taboleiro de anuncios do Concello do Pereiro de Aguiar. A publicación substituirá á notificación persoal e terá os mesmos efectos, segundo o artigo 45 da Lei 39/2015, do 1 de outubro, do Procedemento Administrativo Común das Administracións Públicas.

A resolución provisional de axudas concedidas, denegadas e lista de agarda publicarase no taboleiro de anuncios da sede electrónica do concello (<https://concellopereiro.sedelectronica.gal/info.0>), e na páxina web do concello ([www.pereiro.gal](http://www.pereiro.gal)), e concederase un prazo de 10 días para presentar alegacións.

## Artigo 9. Xustificación e pagamento

O prazo de xustificación da axuda rematará o día 30 de outubro de 2025.

Procederase ao pago da axuda unha vez que os beneficiarios xustifiquen debidamente o importe da subvención concedida mediante:

- Factura orixinal ou copia cotexada do gasto realizado.

No Pereiro de Aguiar, na data da sinatura electrónica. O alcalde.

Asdo.: Luís Menor Pérez.



## Anexo I

### Solicitud de axudas para a compra de libros de texto e/ou material escolar de Educación Infantil para o curso 2025-2026

#### Datos do/a solicitante (pai/nai/titor/a)

Nome e apelidos	DNI
Domicilio	Teléfono/s

#### Datos do/a outro/a proxenitor/a

Nome e apelidos	DNI
-----------------	-----

#### Datos do(s)/a(s) menor/es para quen solicita as axudas

Nome e apelidos	Curso	Centro escolar

#### Outros membros da unidade familiar

Nome e apelidos	DNI	Parentesco

#### Solicita:

Axuda para a compra de libros de texto e/ou material escolar de texto para o(s)/a(s) menor/es indicado(s)/a(s)

O Pereiro de Aguiar, a \_\_\_\_ de \_\_\_\_\_ de 20\_\_.

Sinatura do/a solicitante

**Sr. alcalde do Concello do Pereiro de Aguiar.**



## Información sobre protección de datos

De acordo co establecido pola normativa vixente en materia de protección de datos, informámoslle de que o responsable do tratamento dos seus datos persoais é o Concello do Pereiro de Aguiar, con dirección na Praza do Concello, 1, 32710 O Pereiro de Aguiar (Ourense), concello. [pereirodeaguiar@eidolocal.es](mailto:pereirodeaguiar@eidolocal.es).

1.- Dpo: o delegado de protección de datos do Concello do Pereiro de Aguiar é Servicios de Adaptación Continua en Protección de Datos RB, SL, co que poderá contactar en [concello.pereirodeaguiar@eidolocal.es](mailto:concello.pereirodeaguiar@eidolocal.es).

2.- Finalidade do tratamento: os datos serán utilizados para prestarlle o servizo solicitado na presente instancia.

O feito de que non nos facilite parte da información solicitada poderá supoñer a imposibilidade de prestarlle o servizo solicitado.

Prazo de conservación: os datos facilitados conservaranse durante o tempo necesario para poder atender a súa solicitude, así como para dar cumprimento legal ás xestións administrativas derivadas da prestación do servizo.

3.- Lexitimación: este tratamento de datos persoais está lexitimado polo consentimento que nos outorga ao realizar a solicitude de prestación do servizo.

4.- Destinatarios de cesións: o Concello do Pereiro de Aguiar non cederá os seus datos de carácter persoal.

5.- Dereitos: ten dereito a acceder, rectificar ou suprimir os datos erróneos, solicitar a limitación do tratamento dos seus datos, así como opoñerse ou retirar o consentimento en calquera momento e solicitar a portabilidade deles.

O Concello do Pereiro de Aguiar dispón de formularios específicos para facilitarlle o exercicio dos seus dereitos. Pode presentar a súa propia solicitude ou solicitar os nosos formularios nas nosas instalacións ou por correo electrónico en [concello.pereirodeaguiar@eidolocal.es](mailto:concello.pereirodeaguiar@eidolocal.es), sempre acompañados dunha copia do seu DNI para acreditar a súa identidade.

A presente comunicación correctamente formalizada producirá efectos desde a data da súa presentación no Rexistro ou en calquera medio válido, segundo o artigo 16 da Lei 39/2015, do 1 de outubro, de Procedemento Administrativo Común das Administracións Públicas.

No Pereiro de Aguiar, a \_\_\_\_\_ de \_\_\_\_\_ de 20\_\_\_\_\_.

Sinatura do/a solicitante



## Anexo II

Declaración responsable do/a solicitante

D./D<sup>a</sup>. \_\_\_\_\_,

co DNI \_\_\_\_\_,

en calidade de pai/nai, titor/a do(s)/a(s) menores:

- \_\_\_\_\_
- \_\_\_\_\_
- \_\_\_\_\_
- \_\_\_\_\_

**Declaro** baixo a miña responsabilidade:

- Que coñezo e acepto as bases para o outorgamento de axudas para a compra de libros de texto e/ou material escolar de Educación Infantil para o curso 2025-2026.

- Que son certos cantos datos figuran na solicitude de axudas para a compra de libros de texto e/ou material escolar de Educación Infantil para o curso 2025-2026.

- Que \_\_\_\_\_ (si/non) lle foi concedida nin solicitou ningunha outra axuda para a mesma finalidade.

- Que se compromete a achegar cantos datos e documentos sexan precisos, no caso de resultar beneficiario/a, no prazo que se indique polo órgano competente do Concello do Pereiro de Aguiar, para os efectos do cumprimento e xustificación das presentes axudas.

O Pereiro de Aguiar, \_\_\_\_\_ de \_\_\_\_\_ de 20\_\_\_\_.

Sinatura do/a solicitante



## Anexo III

### Autorización

A cubrir pola persoa solicitante, así como os membros da unidade familiar maiores de 18 anos da solicitude de axudas para libros de texto e/ou material escolar de Educación Infantil para o curso 2025-2026.

A.- Datos dos/as proxenitores/as do(s)/a(s) menor/es beneficiario(s)/a(s) da prestación.

A/s persoa/s que asinan a continuación autorizan expresamente ao Departamento de Educación do Concello do Pereiro de Aguiar a que os seus datos queden arquivados para o dito procedemento:

	Nome e apelidos	DNI	Sinatura
Solicitante			
Outro/a proxenitor/a			

B.- Datos das persoas que conviven co/a solicitante

As persoas que asinan a continuación autorizan expresamente a que os seus datos queden arquivados co fin de xustificar os requisitos do dito procedemento.

Relación co solicitante	Nome e apelidos	DNI	Sinatura

O Pereiro de Aguiar, \_\_\_\_\_ de \_\_\_\_\_ de 20\_\_\_\_.-

R. 1.798

